



Inatsisartunut ilaasortaq, Múte Bourup Egede  
Inuit Ataqatigiit  
/Maani

**Akuersissut 2010/02, 28.08.2018 pillugu § 37 naapertorlugu  
apeqquteqaammut nr. 2018/213-imut akissuteqaat**

Ulloq: 10-09-2018  
Suliaq nr. 2018 - 17331  
Akt nr. 8600195

Asasara Múte Bourup Egede

Postboks 930  
3900 Nuuk  
Tlf. (+299) 34 68 00  
E-mail: asnnn@nanoq.gl  
www.govmin.gl

*Apeqqu 1:*

1) *Naalakkersuisut 23. Oktober 2013 "Immikkoortoq 709-711-mut tunngatillugu atugassarititaasussanut nalinginnaasunut september 2010-imeersunut tapiliussaq aamma sumiiffimmut Kalaallit Nunaata kujataani Kuannersuarni akuersissummumut 2010/02-mut tapiliussaq nr. 1 pillugit nassuiaat"-mi taamani Aatsitassanut Naalakkersuisuusumit atsiorneqarsimasumi ima allapput:*

*"302. Pisinnaatitsissummik pigisaqartoq pinngoqqaatinik qinngornermik ulorianartunik akulinnik paaanissamut akuersissummik tunineqarnissamik qinnuteqarp, takuuk immikkoortoq 301, Naalakkersuisut qinnuteqaat nammineerlutik aammalu arlaannik tunngaveqanngitsumik imaluunniit sumilluunniit tunngaveqanngitsumik itigartissinnaavaat. Qinnuteqaat ilaatigut politikikkut imaluunniit ingerlatsivimmi pinngoqqaatinik qinngornermik ulorianartunik akulinnik paaanissamut akuersissummik tunniussisanninnissamik aalajangiineq tunngavigalugu itigartinneqarsinnaavoq. Qinnuteqaammik itigartitsineq pisussaaffeqarnermik akisussaaffeqarnermillu malitseqassanngilaq, ilanngullugit Namminersorlutik Oqartussanut, Naalakkersuisunut imaluunniit Aatsitassanut Ikummatissanullu Pisortaqarfirmut taarsiinissamik akisussaaffiliissanani." Aamma:*

*"303. Pisinnaatitsissummik pigisaqartoq pinngoqqaatinik qinngornermik ulorianartunik akulinnik paaanissamut akuerissummik tunineqarnissamik qinnuteqarp, takuuk Immikkoortoq 301, Naalakkersuisut pinngoqqaatinik qinngornermik ulorianartunik akulinnik paaanissamut atugassarititaasut suulluunniit nammineerlutik aammalu killilersuutitaqanngitsumik aalajangersarsinnaavaat. Naalakkersuisut ilaatigut paaanermi ingerlatanut, isumannaallisaanermut peqqinnissamut, avatangiisinut, pisuussutinik atorluaanermut aamma inuiaqatigiinni piujuartussamik iluaqutaasumik sunniutaasussanut atugassarititaasussanik kiisalu pisinnaatitsissummik pigisaqartoq Kalaallit Nunaanni Namminersorlutik Oqartussanut akiliteqassanersoq aalajangersaasinnaapput. Naalakkersuisut tassunga ilanngullugu nammineerlutik aamma arlaatigulluunniit killilersuutitaqanngitsumik ukiumoortumik akitsuummik sumiiffiup akuersissummi pineqartumut ilaasup angissusaa tunngavigalugu naatsorsugaasumik akiliteqarnissamik (nunaminertamut akitsuut)*

*atugassarititaasussanik, akitsuummik aatsitassat piarneqartut ilaalu ilanngullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut qupp.2 akiliuteqarnissamik (pissarsianit akitsuut) atugassarititaasussanik aalajangersaasinnaapput.” Nassuiaammi nassuiarneqartut suli atuuppat?*

Akissut:

Aap.

*Apeqqu 2:*

*Naalackersuisut ingerlatseqatigiiffik GME A/S, tusagassiorfitsigut tusakkagut malillugit aatsitassanik qinngornernik ulorianartulinnik, arrortikkuminaatsunik flouritaqangaatsiartunillu qalluinissamut qinnuteqalikkersaartumut politikkikkut itigartitsinissaminnut piareersimappat?*

Akissut:

GME A/S-imit tamakkiisumik qinnuteqaammik tigusaqartoqartinnagu, Naalackersuisut apeqqu isummerfigisinnaangilaat.

Inussiarnersumik inuulluaqqusillunga

  
Vittus Qujaukitsoq